

ՀԱՄԲԱՆ

„АМБАВАБЕРЪ“

Здѣсь Авлабаръ
Лазарьевская о-во «Мегу»
библіотекѣ «Оганджянъ».

68-1168

ՀԱՍՏԱՐԱԿԱԿԱՆ, ԳՐԱԿԱՆ ԵՒ ԻՖԱՆՈՂԱԿԱՆ ՇԱՐԲԱԹԱԹԵՐԹ

ԿՈՎԿԱՍԻ ՀԱՅՈՑ ԲԱՐԵԳՈՐԾԱԿԱՆ ԸՆԿԵՐՈՒԹԵԱՆ

10 կոպեկ

Լոյս է տեսնում կիրակի օրերը

10 կոպեկ

ՐԱԺԱՆՈՐԳԱԳԻՆԸ տառերով 4 տարի, կես տարում 3 տարի.
Արտատպան՝ տառերով 5 և, կես տարում 3 և.

ԽՄԲԱԳՐՈՒԹԻՒՆԸ՝ Քիֆիս, Արտատպան հրատար. № 7.
Հեռախոս № 25.

Գրասի հասցեն.—Тифлис, „Амбавабери“. Tiflis, Rédaction du journal
„Hambavaberi“.

ՏԱՅՏԱՐԱԿՈՒԹԻՒՆՆԵՐ՝ տպիմ 10 կոպեկ.

Խմբագրութիւնը բաց է առաւօտեան ժամի 10—3, բացի կիրակի և տօն օրերէն.
Տպագրութիւնը ուղարկուած նամակները կարող են ննջարկուիլ փոփոխման դ
կրճատման.
Տպագրութեան համար անյարմար ճանաչուած մեծ յօդուածները պահուած են
վեց ամիս խմբագրատանը, իսկ փոքրերն անմիջապէս սննչացուած.
Տպագրութեան համար անյարմար թղթակցութեանց և յօդուածների տաքիւ
խմբագրութիւնը պարտաւոր չի համարուած դրաւոր բացատրութիւններ տալ:

ԲՈՎԱՆԴԱԿՈՒԹԻՒՆ

ԽՄԲԱԳՐԱԿԱՆ.— Վառնդաւոր նշաններ, Ս. Յարութիւնեանի.—
Ծայրից ծայրը, Լէօի.— Կովկասի Հայոց Բարեգործական Ընկե-
ռութեան տարեկան ընդհ. ժողովը.— Հայ գիւղացութեան վի-
ճակը (Շաւշէթ-Իմիրիսի).— Թիւրքահայ համագումարը, Ա. Շա-
րաֆեանի.— ԱՐՏԱՔԻՆ ՏԵՍՈՒԹԻՒՆ.— Թիւրքիա, Անգլիա և
Ռուսաստան, Արշակ Սաֆրաստեանի.— ԳԵՂԱՐՈՒԾՍ.— Հայ-
րենի դռան. բանաստեղծ. Ոստ. Յովհաննիսեանի.— ԳԱՒԱԹ.—
Նոր-Բայազետ, Նշան Յակոբեանի.— ՏԱՐԵԳՐԻ Կ. Ա. Բ. ԸՆԿ.,
(Կենտրոնական Խորհուրդ, հիւզեր, Հ.Կ. Կոմիտէ).— ՔՐՈՆԻ-
ԿՈՆ.— ՀԱՄԱՇԽ. ՊԱՏԵՐԱԶՄԸ.— ՆԱՄԱԿ ԽՄԲԱԳՐՈՒԹԵԱՆ.—

ՎՏԱՆԳԱԻՈՐ ՆՃԱՆՆԵՐ

Ռուսաստանի դարաւոր բռնակալութեան տապալու-
մից յետոյ նրա բազմապեղ արդարնակութիւնը ազատու-
եց իր իրաւագուրկ գրութիւնից և մտաւ կեանքի նոր շըր-
ջան, քաղաքական և հասարակական լայն իրաւունքներով.
Խորտակուեցին հին կարգերը, նրանց փլատակների
վրայ կանգնեց նոր արեւ. իսկ այդ արեւի ջերմութիւնից
ծագեցին բազմաթիւ նոր պահանջներ:
Սակայն այդ պահանջները բաւարարութիւն չեն ըս-
տանում առայժմ — ներկայ պայմաններում — չեն էլ
կարող ստանալ:
Գատնաւոր պարզ է և հասկանալի:
Երկիրը պատերազմի մէջ է, նա շրջապատուած է ար-
տաքին թշնամիներով. պետական կազմը թոյլ է, ժամա-
նակաւոր Բարձր Կառավարութիւնը չունի հարկաւոր հե-
ղինակութիւնը և զուրկ է ոչնչոյ ոյժերից:
Եւ ահա թէ ինչու սկսուել է ներքին քայքայում.
անխիղճանութիւնը բարձրացնում է իր գլուխը, նսւաճուած
ազատութիւններին սպառնում է կորստեան վտանգը:

Մինչև օրս հրճուած էինք, որ խորտակուեց հին ու-
ժիմը, որը անողորմ կերպով սեղմում, մեղցնում էր իր
ծանր ձեռքով ազատ մարի ամեն մի թոխը, ամեն մի
ձգաւումս դէպի նոր իրաւակարգը:
Իսկ այժմ տիրում է մի ինչոր խորհրդաւոր անորո-
շութիւն ապագայի վերաբերմամբ. մենք հասել ենք մի
կէտի, որտեղից նկատուած է կարգի կատարեալ քայակա-
յութիւն՝ օրինական, հաստատուն, ամենքի կողմից յարգու-
ած և ճանաչուած կարգի:
Հեռագրական տեղեկութիւնները օրէցօր փաստերով
աւելի ու աւելի են հաստատում այս ողբալի իրականու-
թիւնը:
Գիւկերում կատարուած են անպատիժ սպանութիւն-
ներ, կողոպուտներ և այլ տեսակ յանցանքներ ու բռնու-
թիւններ: Քաղաքներում համանման երևոյթները տեղի
են ունենում ոչ պակաս չափով. և բացի այդ, քաղաքնե-
րում անընդհատ գործադուլներ են յայտարարուած, ա-
ռաջ բերելով տնտեսական քայքայում:
Երկրի զանազան մասերը, բացի Կովկասը, ուր հա-
մեմատաբար աւելի խաղաղ են պահուած իրենց տեղական
ժողովուրդները, յայտարարում են իրենց անկախ և բա-

ցարձակ կերպով հրաժարուում են ճանաչել կենտրոնական բարձր կառավարութիւնը:

Զօրքի մէջ հիմնովին խախտուել է կարգապահութիւնը և պարտաճանաչութիւնը. զօրքի որոշ մասերը հրաժարուում են պատերազմել և պահանջում են կառավարութիւնից՝ կնքել թշնամու հետ հաշտութիւն ինչ գնով էլ լինի: Պատերազմի դաշտից զինուորներն հատ-հատ, երբեմն խոշոր խմբերով վերադառնում են իրենց տները ազատ, արհամարհելով իրենց մերձաւոր իշխանութիւնը և ոչ մի արժէք չը տալով իրենց հրամանատարների պահանջներին:

Այս տեսակ փաստեր և օրինակներ բազմաթիւ են, մէկը միւսից աւելի տխրալի ու յուսահատեցուցիչ:

Ստեղծուել է անբնական և ծանր դրութիւն:

Տապալելով հին ատելի կարգերը, պետական հարցը չէ լուծւում, նրանց փոխարէն իսկոյն պէտք է ստեղծուեն նոր կարգեր՝ համակրելի, հիմնաւոր և ուժեղ: Մի երկիր, մի պետութիւն չի կարող կառավարուել, չի կարող իր գոյութիւնն ապահոված համարել, չի կարող յուսալ լուսաւոր ապագայի, եթէ նա չունի մի կենտրոնական իշխանութիւն, որին հպատակուեն բոլորը, եթէ նա չունի հաստատուն կարգեր և ոյժ անպարտաճանաչելի հնազանդեցնելու:

Անբնական է, որ մի պետութեան մէջ միաժամանակ իշխեն, կառավարեն, տնօրինեն մի քանի ինքնուրոյն մարմիններ:

Պետրոգրադում գործում է ժամանակաւոր Բարձր կառավարութիւնը, նրա կողքին միաժամանակ ու ոչ պակաս, եթէ ոչ աւելի իրաւունքներով գործում են երկու կազմակերպութիւններ՝ զինուորական բանուորական պատգամաւորների խորհուրդները: Ժամանակաւոր Բարձր կառավարութիւնը գտնուում է այս խորհուրդների ազդեցութեան տակ, որովհետեւ ոչալ ոյժերը նրանց ձեռքում են:

Իսկ գաւառներում բուսնում են ինքնազուլիս համանման խորհուրդներ ու ինքնակոչ իշխանութիւններ, որոնք երբեմն չեն ճանաչում ոչ ժամանակաւոր Բարձր կառավարութիւնը, ոչ էլ Պետրոգրադի կենտրոնական զինուորական-բանուորական խորհուրդները: Մի խօսքով ստեղծուել է սոսկալի դրութիւն:

Ռուսաստանի վիճակը ծանր է թէ պատերազմական ճակատներում եւ թէ ներսը. պէտք է զգաստանալ և ըսթափուել: Ամեն քաղաքացի, ամեն քաղաքական կազմակերպութիւն, որի համար թանգ է Ռուսաստանի ազատութիւնը, նրա լաւագոյն ապագան, պէտք է հաշիւ տայ իրեն, թէ ինչ կործանարար ճանապարհի վրայ է կանգնած երկիրը, թէ ինչ վտանգ է սպառնում պիտութեան:

Ժամանակ է, որ արթնանայ և արտայայտուի ժողովուրդի քաղաքական իմաստութիւնը երկիրը փոթորիկից ազատելու համար:

Այդ իմաստութիւնը պէտք է թելադրի հրամայողական կերպով՝ միաբանուել բոլոր գործող քաղաքական կազմակերպութիւններին ու աջակցել ժամանակաւոր Բարձր կառավարութեան. զօրքը պէտք է գէթ ժամանակաւորապէս հրաժարուի քաղաքականութեամբ պարապելուց և ներշնչուի մի մտքով — շարունակել ամենայն անձնուիրութեամբ պատերազմը մինչև պատուաւոր հաշտութիւնը:

Այս են պահանջում հայրենասիրութիւնը և քաղաքացիական պարտաճանաչութիւնը, այս է թելադրում և ազատութեան գաղափարը:

Հակառակ դէպքում սև ամպերի տակ կը մտնեն Ռուսաստանի ազատութիւնը և նրա լուսաւոր ապագան:

Ս. Յարութիւնեանց

ԾԵՅՐԻՑ ԾԵՅՐ

Լինելով գերազանցօրէն կեդրոնախոյս մի ժողովուրդ, զարգացման ամենաբարձր աստիճանին հասցնելով — և այս, ի հարկէ, մեր ամբողջ պատմութեան երկաթէ անհրաժեշտութեան տակ — անհատականութիւնը, հասպաշտութիւնը, մենք ունինք մի չափազանց յեղինդուկ, չափազանց անկայուն հաւաքական հոգեբանութիւն, որ և զրկում է մեզ կազմակերպական լայն, չինարար նախաձեռնութիւնից և ստեղծագործական խոյանքներից ու դարձնում է մեզ — ասենք պարզ — մի ամբողջ միայն, այնպիսի ամբողջ, որ, ըստ մեր հին Սղիշէի, «յամենայն հոգմոյ շարժի և յամենայն բանէ խռովի և յամենայն իրաց զողայն»:

Այս կերպարանքով հայ ժողովուրդը ցուցադրում է պատմութեան մէջ շատ ու շատ անգամ, համարեա միշտ: Մենք նրան տեսնում ենք յանկարծական, անսպասելի տակնուվրայութիւնների ենթարկում, մի ծայրից միւս ծայրին խփելիս, երբուհ, տատանուող, հեծի, անօգնական փութկոտութեամբ ելքեր որոնող:

Թող մի կողմ մնայ երկարատեւ անցեալը, խօսքը տանք հենց մեր օրերի փաստերին: Ծիշենք 1914-ի ամառը, երբ սկսուեց ներկայ պատերազմը: Մի օրուայ մէջ մենք թռանք ոգևորութեան ամենաբարձր գագաթը, ցուցահանեցինք մի տենդային եռանդ, որ կարող էր շատերի նախանձը զրգոյել և իրօք էլ զրգոյեց հրէշաւոր չափերով: Մտքով տեղափոխուենք մեր կամուրջական շարժման ամիսները: Գինովցածի դրութիւնը միայն կարող է համեմատուել մեր այն ժամանակուայ հասարակական տրամադրութեան հետ: Խօսքը, ի հարկէ, գաղափարի մասին չէ: Մեր ցուցամուրութիւնն ու սնապարծութիւնն էին անհանդուրժելի չափեր ստանում: «Տարտաբէն»-ի անմահ հեղինակը ո՛րքան պիտի զարմանար իր հերոսացրած ափսի տառաւութեան վրայ, եթէ դուրս գար գերեզմանից և կանգնէր հայոց շարժման ճանապարհին, հիւսիսային բևեռին կրթնած Արխանգելսկից մինչև Վանի ժպտուն լիճը: Մի համեստ, շատ փոքր գործ էր մեր սկսածը: Ի՞նչ նշանակութիւն

կարող էին ունենալ մեր մի 1000—2000 կամաւորները ժամանակակից պատերազմի մէջ, ուր տասնեակ, հարիւր հազարները չեն հաշուի առնուում: Բայց մենք ունեցինք, մեծացրինք, 200—250 մարդուց բաղկացած խումբը մեր լրագրութեան մէջ դարձաւ երանակ: Փողոցային շահամուկները մի քանի հարիւր աւելորդ հինգ կողէկնոցներ զնչելու համար տակցին մեր հերոսներից մէկի պատկերը, իսկ նրա ոտների տակ՝ օսմանեան դրօշակը ... նուաճող ազգի հովեր էինք առել, մեզ էլ պատերազմող կողմ էինք համարում: Գրգռեցինք մեզ անշափ, գրգռեցինք և մեր թշնամիներին ու կեղծաւոր բարեկամներին՝ դարձեալ անշափ:

Ու մեզ պատասխանեցին ... Հայաստանի մէջ սկսեց շարժուել թիւրքական եաթաղանը, ազգեր մորթող այդ անիծեալ երկաթը, գնաց բնաջինջ անելու ամբողջ հայութիւնը: Նրան ընդառաջ էր գնում Կովկասի ծերուկ Մաքիավելլին, կոմս Վորոնցով Դաշկովը: 1915-ի ամառը թիւրքահայութեան վերջն էր բերել, սոսկալի դաղթը, արհեստական շարժում, դիակների լեռներ կուտեց իրար վրայ: Մի կարճ միջոցում ամայի ու անմարդաբնակ էր մեր հայրենիքը:

Եւ ահա — ուրիշ ծայր մեր տրամադրութեան մէջ, Վաւորութեան անդունդը զլորուած, լալկան, խեղճ, դարձեալ զոհի, բռնութեան յօշոտած նահատակի դիրք ու խօսք — Թիֆլիսի առաջնորդարանում հաւաքուած, գլխակոր փսփացող մի բուռն գործիչների մէջ Կովկասի Մաքիավելլիի գործիքներից մէկը, յուսահատ ու մոռալուած, արտասուում էր. «Մեզ խաբեցին, — աղ-դայամիտ էինք:— Պատասխանատուներ էինք որոնում, անհատներ անպատճառ, այն էլ մեր միջից: Կուզէինք մէկին խեղ-դել, գետը գցել, հարկադրել որ նրանք եապոնական լեռների կարիք կատարեն իրենց վրայ: Կարծում էինք թէ այդպիսով պատժուած կը լինէր համատարած ոգևորութիւնը, ազգային գի-նովութիւնը:

Եւ դարձանք այնուհետեւ առաւելապէս որդախնամներ: Մոռացանք գրեթէ ամեն ինչ՝ մահուան ճանկերից զաղթականներ ազատելու համար: Գանգատաւոր ու պահանջկոտ էինք իբրեւ որ-բաւէրներ և ամեն տեղ — մամուլի մէջ, խօսքի, մտածողութեան բոլոր հանդիսարաններում մենք մեր ազգի գծախտութիւններով էինք ապրում, մեր ազգային իրաւունքներն էինք վեր հանում: Նոյն իսկ Վարդանանց տանին խանութներ բացելու կամ գոցելու հարցը մենք դարձրինք ազգային արժանապատուութեան դատ:

Աշխատում էինք այսպէս, հիւսն, եւ ողբալով, եւ դանդա-տուելով: Եկաւ ուստական յեղափոխութիւնը, եւ ահա մի նոր տե-սարան: Մի օրուայ մէջ մոռացուել է ամեն ինչ, Կարծես մի գի-շերուայ մէջ վերացել է մեր արիւնոտ հարցը, կարծես մենք այլ-եւ Վանի լճի և Եփրատի ամայացած աւազանների շուները, կարծես կուշտ ապրելու, անթաց աչքերով ապրելու կարմիր ու տաքուկ օրեր են բացուել հարիւր հազարաւոր որբերի, այրիների, լլկուած կոյսերի համար, որոնք իրանց գերմարդկային թը-շուառութիւններով ծածկել են ամբողջ հողը Դամասկոսից մինչև Միջին Ասիա:

Ու մի օրուայ մէջ, ազատութեան ոսովկավար թևերի վրայ գալիս էր մեզ համար նոր, մեծ յայտնութիւն: Մենք նոր միայն գտնում էինք որ հայն իսկապէս հայ չէ, այլ մի ուրիշ բան, այն է՝ արեմտահայ և արեւելահայ: Հանդէս եկաւ որ աշխարհադը-րական դիրքերից, չեն առաջացել այդ յորջորջութիւնները: Ոչ, նրանք ներկայացնում են տարբեր շահեր, տարբեր մարդկային գրու-թիւններ, գուցէ նոյնիսկ և տարբեր մարդաբանական տեսակներ:

Այսօր մենք, ողորմութեամբն Աստուծո, ապրում ենք այս նոր իրականութեան մէջ: Արեմտահայ և արեւելահայ հակոտնեա-նները իրար դէմ են կանգնել, իրար մեղադրում են, իրարից օ-

ձիք ազատել են ազգում: Արեմտահայը, միշտ ճնշուած, միշտ զոհ, գանգատուած է թէ արեւելահայի ատրուին է եղել ինքը միշտ: Ա-րեւելահայն էլ ինչ-որ ուրիշ, աւելի սարսափելի բաներ է ասում իր հակոտնեային: Եւ բաժանումը կատարուում է, խօսելով ներ-կայի պատերազմական բարրատու, ամբողջ զօրի վրայ: Առանձ-նութիւն ամեն պարագայի մէջ. — այնտեղ, ուր պէտք է թիւրքա-կան և քրիդական գերութիւնից զոհեր ազատել, այնտեղ, ուր դաղթականներ են խնամուած, այնտեղ, ուր խօսքը զրբին ու զը-րականութեանն է վերաբերում:

Բաժանում է, ի հարկէ, և այն մեծ դատը, որ մի ժամա-նակ, նախայնդափոխական լքարի և միամիտ դարաշրջանում, նախ քան արեմտահայ և արեւելահայ անտրոպոլոգիական հակոտ-նանների մեծ դատը, կոչու-մ էր «հայոց հարց» և պատկանում էր Թորդոմածին Հայկի բոլոր գաւակներին: Այժմ արեւելահայ կուսակցութիւնների դաւանանքն է դառնում, որ հայոց հարցը, արեմտահայերի կամ թիւրքահայերի դործն է և պիտի լուծուի ինչպէս նրանք են ցանկանում:

Այս է ահա տեղի ունենում հայութեան մէջ, և այս՝ այնպի-սի մի ժամանակ, երբ աշխարհի բոլոր ազգերը աւելի կու- ազ-գային միութիւններ են կազմում, ձուլելով նրանց մէջ նոյն իսկ անհայտ տարրերը: Այս է կատարում հայութեան մէջ այնպիսի մի ժամանակ, երբ նրա արիւնարբու թշնամի ժէճն թիւրքերը մտածում են կրօնի միջոցով ազգային մի միաձուլ կազմակեր-պութիւն ստեղծել: Աֆրիկայի տափակաքիթ խափշիկից և ղեղ-նամորթ չինացուց, մի յաղթական, տիրապետող թիւրքիա կանգ-նեց՝ ելու համար:

Ի՞նչ նորութիւն պիտի բերէ այս նոր ծայրը, այս մեծ հերձուածը հայութեան: Կը տեսնենք հետեւալ անգամ:

ԼԷՕ

ԿՈՎԿԱՍԻ ՀԱՅՈՑ ԲԱՐԵՂՈՐԾ. ԸՆԿ. ՏԱՐԵԿԱՆ ԸՆԴՀԱՆՈՒՐ ԺՈՂՈՎՐ

Մայիսի 28-ին Կ. Հ. Բ. Ընկերութեան ընթերցարանի դահ-լիճում կայացաւ նոյն Ընկերութեան ընդհ. ժողովը:

Նախքան ժողովը հոգեհանգիստ կատարուեց Ընկերութեան բարերար հանգուցեալ Վ. Ա. Դաւթեանի յիշատակին:

Ապա Խորհրդի նախագահ պ. Ս. Յարութիւնեան բանալով նիստը՝ առաջարկեց ըստրել ընդհանուր ժողովի նախագահ: Ժո-ղովականներն առաջարկեցին բժշկապետ Բ. Նաւասարդեանին, որը վճռապէս հրաժարուեց և նախագահ ընտրուեց պ. Հ. Առա-քելեան, իսկ քարտուղարը՝ Յ. Մալխասեան:

Ընտրութիւնից յետոյ ժողովը յոռնկայս յարգեց հանգու-ցեալ բարերար Վ. Ա. Դաւթեանի և բանաստեղծ Ա. Մատուրեա-նի յիշատակը:

Խորհրդի անդամ պ. Իս. Յարութիւնեան համառօտ գեկու-ցումն տուեց Խորհրդի 1916-ի գործունէութեան:

Զեկուցանողն յայտնեց որ տպագրութեան ծանր պայման-ների պատճառով Խորհուրդն անկարող եղաւ նախորդ տարինե-րի նման իր գործունէութեան տեղեկագիրը հրատարակել, այլ առայժմ տպել է համառօտ հաշիւը և խոստանում է յետոյ հրա-տարակել տեղեկագիրը:

Զեկուցանողը յայտնեց նաեւ, որ Խորհրդին կից գործում են մի շարք յանձնաժողովներ, որոնց անունները թուեց:

Ընկերութիւնը 1916—17 ուսումնական տարեշրջանում ու-նեցել է 135 դպրոց, որոնց նպաստ տուել է 39297 ռ. 50 կ.

Այդ գաղտնիքներում սովորել են 7313 աշակերտ-աշակերտուհիներ, դասաւանդել են 184 ուսուցիչ, ժաշարանում ձրի հաշի են 64 աշակերտ, էժան վճարով 96 աշակերտ, ընդամենը 160 անձ. Խուղաղեան ապաստարանը Սորհրդի կողմից որոշուել է փակել և նրա վրայ ծախսուելից գումարը գործածել յօգուտ գաղտնական գործի: Գրադարան-ընթերցարանը համեմատաբար աւելի ընթերցողներ է ունեցել: Ընկերութեան տրամադրութեան տակ կան երկու շարժուն գրադարաններ՝ Անահիտեան և Շիրինեան, որոնցից մանկական և այլ գրքեր են ուղարկում գաւառական գրադարաններին: Պօղոսեան ֆոնդը հրատարակչական գործի հազար տոնգովուած, չէ ծաւալել իր նպատակին ապագրական գործի զգուարութեան պատճառով: Ֆոնդի տոկոսները աւելացել են մայր գումարի վրայ, որը տուել է մօտ 10000 և:

Կրթական գործի մասին պ. Իս. Յարութիւնեան յայտնեց որ պատերազմի և հետզհետեւ աճող թանգութեան պատճառով այլևս չի կարելի միևնոյն ռոնիկով և պայմաններով ուսուցիչ վարձել, այնպէս որ Ընկերութեան գաղտնիքից շատերը առաջիկայ ուսումնական տարում ենթակայ են փակման, եթէ հայ հասարակութեան ունեւոր և գիտակից գասակարգը օգնութեան չը հասնի այդ նպատակի համար. կարելի է աւելացնել ուսուցիչներին ռոնիկները և գաղտնիքն ազատել փակման վտանգից: Հարկաւոր քանակութեամբ ուսուցիչներ ունենալու համար ցանկութեան յայտնեց քանալ մի ուսուցչանոց, ուր մեր միջնակարգ գաղտնիքը վերջացնող աշակերտները կարողանան վարժուիլ և պատրաստուիլ յատկապէս ուսուցչութեան գործին:

Սորհրդի նախագահ պ. Ս. Յարութիւնեան խօսելով կրթական գործի մասին և շեշտելով նրա կարևորութիւնը հայ ժողովրդի համար, մի քանի բարեարձաների անուններ տուեց, որոնք խոշոր նպատակներ են տուել այդ նպատակով: Խոշոր նուիրատուներից են Գետրոգրադում ապրող Արշակ Ունանեանը, որ յանձն է առել գաղտնական գործին տալ տարեկան 12,000 և, Տ. Աֆրիկեանը, որ միանուագ տուել է 7,550 և Գ. Տէր-Գեորգիսեանը, որ տուել է 3,080 և: Պ. Ս. Յարութիւնեանի առաջարկութեամբ ժողովը միահամուռ շնորհակալութիւն է յայտնում յիշեալ բարեարձաններին և որոշում հեռագրով շնորհակալութիւն յայտնել նաև Ա. Ունանեանին:

Վերստուգիչ յանձնաժողովը զեկուցում տուեց Ընկերութեան 1916 թուի հաշիւների մասին և յայտնեց, որ հաշիւները կազմուած ու արձանագրուած են հշտօրէն: 1916 թ. ընթացքում Ընկ. կենտրոնը թէ նուէրներից, թէ դրամագլխի տոկոսներից և թէ անդամավճարներից եկամուտ է ունեցել ընդամենը 70,360 և, իսկ ծախք ունեցել է 76,195 և, որով զեֆիցիտ է եղել 5,835 և: Դեֆիցիտը առաջացել է գլխաւորապէս ճաշարանից (որ ունեցել է մուտք 7,727 և, իսկ ծախք 12,585 և) և գաղտնական գործից, որի մուտքն եղել է 26,738 և, ծախսը՝ 28,886 և: Բացի սովորական մուտքից, եղել է յատուկ գումարների մուտք 111,481 և, որից 59,562 և. ստացուել է յօգուտ փախստականների, 2,321 և. յօգուտ հայ գերիների փրկութեան հայրն Մախքը եղել է ընդամենը 53,749 և, իսկ ծախսը, ինչպէս նաև հայ փախստականների օգտին ստացուած 56,692 և, պ. Ս. Յարութիւնեանի բացատրութեան համաձայն պատրաստ պահուած է Ընկերութեան գանձարանում՝ Հ. Գ. Կոմիտէտի ծախսերի և կարիքների համար անհրաժեշտ պարագային ծախսելու:

Այնուհետև պ. Ս. Յարութիւնեանը զեկուցում տուեց Հ. Գ. Կոմիտէի գործունէութեան մասին:

(Շարունակելի)

ՀԱՅ ԳԻՒՂԱՑՈՒԹԵԱՆ ՎԻՃԱԿԸ

(ՇԱԽԵԼԻՔ — ԻՄԻՐՍԵԼԻ)

Տաճկահայաստանի սահմանակից Շաւշէթ-Իմիրսեղ, մի փոքրիկ գաւառ է, որ ձգուած է Արգոյինի և Արդահանի միջև:

Այդ գաւառի չորս հայաթնակ գիւղերն շերկայացնում են մի անմխիթար վիճակ: Այդ գիւղերից Օքրոպակերտը, նախքան պատերազմն ունէր 225 տուն, իսկ 1914-ին երբ թիւրքական վոնձակները ներս խուժեցին Կովկասը, ենթարկուեց աւերումի և այժմ հազիւ 135 տուն բնակիչ ունի: Կոտորածի ժամանակ 40 տղամարդ զոհ է տուել յիշեալ գիւղն, որ միւս գիւղերի հետ համեմատած աւելի նուազ է: 1916-ին մի մեծ հրդեհ պատահեց այնտեղ, որն ոչնչացրեց աներից և այլ շինութիւններից մեծագոյն մասը. 159 տուն մի անգամից հրդեհեցին և երկու կանայք ողջ ողջ այրուեցին: Պատերազմի և հրդեհի պատճառած աւերից յետոյ, այժմ Օքրոպակերտը ներկայացնում է մի վերին աստիճանի խղճալի վիճակ: Բնակչութեան մեծ մասը մերկ է, անօթի և արա նրա ողորմութեան կարօտ:

Օքրոպակերտը գտնուած է մի չրառատ և արգասաբեր վայրում, ուր կարելի է լաւ բերք և արժանի ստանալ: Բայց ժողովրդի տնտեսութիւնն ու նիւթական վիճակը այնքան խանգարուած է, որ նա ի վիճակի չէ օգտուելու երկրի հարստութիւնից: Պատերազմից տառջ այս գիւղն եղած է հարուստ և շրջակայ 14-15 թրքական գիւղերին հայթայթած է ամեն տեսակ առևտրանիւթ: Որպէսզի գիւղը այժմեայ իր աննախանձիկ և խղճալի գրութիւնից ազատուի, պէտք է ուշադրութիւն դարձնել և ազատել նրան քայքայման ճիւղաներից:

Շաւշէթ-Իմիրսեղի երկրորդ գիւղը Մամամնալիւն է, որ խառն բնակչութիւն ունի, 150 տուն թուրք և 21 տուն հայ:

Այժմ՝ թիւրքերի արշաւանքից յետոյ հազիւ միայն երկու տուն հայ է մնացել: Հայերը տուած են 12 զոհ, իսկ մնացածը փախել են զանազան կողմեր: Մնացող 2 տուն հայ բնակչութիւնը գտնուած է նիւթապէս չքաւոր վիճակում:

Երրորդ գիւղը Սաղլէլ-Թաթարն է, որ նախ քան պատերազմն ունէր 105 տուն, իսկ այժմ 68 տուն հայ բնակչութիւն: Օքրոպակերտ, Բիւիկօտ և Մամանելիս գիւղերից այս գիւղը գաղթած են 13 գաղթական ընտանիք: Կոտորածն այստեղ սարսափելի եղած է. 137 այր և 3 կին զոհ են գնացել թիւրքական ռազորի կաթաղանին, գիպուածով միայն 8-10 ձերտների գիւղացիք կարողացել են ազատուել: Գիւղում երիտասարդի հետքն անգամ չկայ: Կոտորածի ժամանակ կանայք ստիպուած են եղել փորելու գերեզմանները և իրենց սիրելիները թաղելու...:

Ամբողջ գիւղը կոզոպուած է անխնայ կերպով: Երբեմնի հարուստ և փարթաւ Սաղլէլը կործանուած է այսօր: Մեծ ու չքեղ տներից դուրս են գալիս պատառուած ու աղքատ կանայք իրենց կիսամերկ երախաների հետ: Նրանք տակաւին գտնուում են կիսախեղապար և չլմած վիճակում և ոչ մի տեղից օգնութեան ձեռքը դնուս չի եկել սփոփելու և տաքացնելու նրանց ընկճուած հոգիները:

Չորրորդ գիւղը Բիւիկուրն է, որ գտնուած է Իմիրսեղի վերախօս շրջանի և համանուն գետի ափին: Նախքան պատերազմն ունէր 27 տուն հայ բնակչութիւն, այժմ այդ թիւն իջել է 23-ի:

Գիւղի գիրքն ու անսարանը հրաշալի է, բայց գիւղացիք վարելահողը խիստ սակաւ: Բարեբաղդաբար գիւղում կոտորած չէ եղած, բայց ազատ չէ եղած կոզոպուտից: Գիւղի շրջակայքը

քնակեցուած են մանկականներով. հայ զիւղացիների և նրանց յարաբերութիւնը այնքան էլ մխիթարական չէ:

Գիւղացիք պարապուած են այգեկործութեամբ: Այժմ խիստ խղճուկ վիճակի մէջ են գտնուում և կարօտ օժանդակութեան:

Ահա այս անմխիթար ու սարսափելի վիճակն է ներկայացնում Շամշէթ-Սիմիթի գաւառի հայ զիւղացիութիւնը:

Հարկաւոր է շուտափոյթ և անմիջական օգնութիւն:

Իսկ թէ քաղաքի փոքր կուշտ և խելքը-շատ քնակչութիւնն ճրք պիտի ազատուի լոնդոնեան ֆրագններից և օղակառոյց դրդեակներից և օգնութեան փութայ գաւառի տանջուող ժողովրդին՝ այդ Աստուած գիտէ...

ԹԻԻՐՔԱՅԱՅ ՀԱՄԱԳՈՒՄԱՐԸ *)

VI.— Վերաշինութեան յանձնաժողովի զեկուցումից յետոյ ընդունուեց հետևեալը.

I.— Փախստականներին ուղարկել միայն ապահով վայրերը. անապահով վայրեր գնացողներին չխրախուսել և չնպաստել. զրաւուած վայրերի կարևոր կենտրոններում վերակազմել ազգային ինքնավար մարմիններ, առաջնութիւն տալ վերադարձողներից նախ լծկան ունեցողներին անասնութիւնը վերականգնելու համար. որոշ գաւառների ժողովրդին տալ հնարաւորութիւն պարապելու անասնապահութեամբ. արհեստաւորներին հայթայթել գործիքներ և հնարաւորութիւն տալ արհեստանոցներ բանալու. պարենաւորման խանութների ցանցը ընդարձակել. Կովկասում ապաստանածներին օգնել եղներով, գործիքներով, բանալ աշխատանքի բիւրօ. արհեստանոցները ուժեղացնել. զարկ տալ կանանց աշխատանքներին: Կազմել կրթական-արհեստագիտական ֆոնդ՝ տեխնիկական կրթութիւն տալու համար: Այժմանից աշխատել վերաշինել ապահով վայրերը. կազմել ազգային ֆոնդ: Բանալ կօօպերացիաներ և մանր վարկի հիմնարկութիւններ. կազմել խորհրդին կից մի մարմին՝ վերաշինութեան համար:

VII.— Գեղարուեստական յանձնաժողովն առաջարկեց հաւաքել հնութիւնները, հաւաքածները առժամանակ տեղաւորել էջմիածնում և մտածել համազգային թանգարանի մասին:

VIII.— Թիւրքահայ մարմինների վերաբերեալ զեկուցումից պարզուեց, որ կազմակերպուել են հայրենակցական և ուսուցչական միութիւններ, որոնց թիւը հասնում է 62-ի 19770 անդամով:

IX.— Ռուսահայ ազգային փախստականական մարմինների գործունէութեան վերաբերեալ ընդունուեց հետևեալ բանաձևը.

1.— Թիւրքահայ համագումարը լսելով պատգամաւորներու զեկուցումները փախստականական ազգային մարմինների օգնութեան գործի կազմակերպման և վիճակի մասին, կը նկատէ որ փախստականներու օգնութեան գործը վարող ազգային բազմաթիւ մարմիններու գործունէութեան մէջ— չնայած անոնց նըպատակներու և միջոցներու բացարձակ համանմանութեան, չէ եղած մէկ ընդհանուր ուղղադիմ և գործելակերպ, ինչպէս նաև միջոցներու ու գործերու կեդրոնացում և ներդաշնակութիւն:

2.— Որ օգնութեան գործի մէջ տեղի են ունեցել խոչոր թերութիւններ, ինչպէս անմեթոտ գործելակերպը, իրաւական կոնտրոլի բացակայութիւնը, պաշտօնէական կազմի անփոյթ ընտրութիւնն ու փախստականներու նուազ մասնակցութիւնը, կանոնաւոր հաշուեւարութեան բացակայութիւնը, որոնք առիթ տուած են բազմաթիւ բողոքներու և կասկածներու:

*) Յեռ շեւաբաւարքը № 30:

3.— Որ փախստականներու նշնութեան գործը ընդհանուր առմամբ նկատուած է իբր սոսկ մարդասիրական ձեռնարկ և տարուած է ըստ այնմ զեկուցարուելով զխաւորապէս նպաստ տալու սկզբունքով, փոխանակ աշխատանք տալու. մինչդեռ հաւածական թիւրքահայութեան գոյութեան պահպանման գործը պիտի նկատուէր գերազանցապէս իբրև ազգային-հասարակական նշանակութիւն ունեցող գործ: Միւս կողմէ, սակայն բոլոր յիշեալ թերութիւններով հանդերձ, թիւրքահայ համագումարը փախստականական կազմակերպութիւններու գոյութիւնը օգտակար կը համարէ հետևեալ նպատակներով՝ ա) որ անոնք ցարդ ձեռք բերած են այդ գործին անհրաժեշտ փորձառութիւն, հաստատած են կապեր և ծանօթ են ռուսական միջավայրին և պայմաններուն. բ) որ արդէն ստեղծած և ընթացք տուած են որոշ հիմնարկութիւններու. գ) որ փախստականներու գոյութիւնը պահելու գործը համագումարն կը նկատէ իբրև համազգային գործ, հետևաբար անոր օգնութիւնը պիտի կատարուի հայութեան բոլոր հաստատներու կողմէ հաւասարապէս և դ) թիւրքահայութիւնը այս վիճակին մէջ շատ տեսակէտներով հնարաւոր և ցանկալի չի համարիր միայնակ վարելու իր օգնութեան գործը, առանց փախստականական մարմիններու գործակցութեան:

Սոյն բանաձևից յետոյ առաջարկուեց՝ 1) հիմնական վերաշինութեան ենթարկել ամբողջ գործը, ընդարձակ տեղ տալ թիւրքահայերին. 2) մտցնել հաշուեւարութեան սկզբունք. 3) վերահսկողութեան ենթարկել գործիչներին և ստեղծել կեդրոնացում. 4) պարենաւորման և նպաստի գործը յանձնել միևնոյն մարմին, 5) աշխատանքի միջոցներ, աշխատաւորական արտելներ ստեղծել, սերմացու և անասուն բաժանել փախստականներին, ի նկատի ունենալով որ բանաձևը կրում է ընդհանուր բնոյթ և վերաբերում է բոլոր ազգային փախստականական հիմնարկութիւններին, հետևապէս Հ. Կ. Կոմիտէին ու Բարեկործական Ընկերութեան և գտնելով որ բանաձևը չի համապատասխանում իրականութեան, որ նախ եղել է իրաւական վերահսկողութիւն և կայ նաև այսօր. երկրորդ.— պաշտօնէութիւնը կազմել ոչ թէ պատահաբար, այլ որոշ երաշխաւորութեամբ, պահանջներով ու տուեալներով, ինչ որ չի հաստատում այն կարծիքն, որ ինչպէս միւսների նոյնպէս և մեր հիմնարկութիւններում կարող էին տեղ գտնել որոշ թուով անհամապատասխան անձնաւորութիւններ. երրորդ.— եղել է ու ներկայացուել է հենց համագումարին ըստաժենայի կանոնաւոր հաշիւ քարտէզներով և վիճակագրութեամբ հանդերձ, որի առիթով համագումարից չի լսուել և ոչ մի խօսք. չորրորդ.— որ փախստականական գործը նկատուած է իբրև ազգային հասարակական գործ. հինգերորդ.— եղել է նաև իրենց՝ փախստականների իրաւական մասնակցութիւն:

Համագումարի վերջում ընտրուեց փախստականական գործով զբաղուող բոլոր մարմինների ու անհատների վերաբերեալ հետևեալ բանաձևը.

Թիւրքահայ համագումարը լսելով պատգամաւորներու զեկուցումները խորապէս կը գնահատէ այն ջերմ ու մարդասէր վերաբերմունքը և սիրալիր ու լիակատար օժանդակութիւնը, որ ցոյց տուին հասարակութիւնները, մարմինները և անձերը հանդէպ հալածուած և տարագիր թիւրքահայ ժողովրդին, կարաւայայտէ իր խորին երախտագիտութիւնը՝ ա.) ռուս մեծ ժողովրդին և հասարակական մեծ խաւերուն. բ.) անգլիական, ամերիկական, ֆրանսական և այն բոլոր ժողովուրդներուն, մարմիններուն և անձերուն, որոնք ջերմ մասնակցութիւն ունեցան թէ հեռուէն և թէ բուն իսկ վայրին վրայ, թիւրքահայ ժողովրդի ցաւերու ամբողջ մէջ և մօտէն բաժանեցին անոր ծանր վիշտը:

պ.) Թիւրքահայ համագումարը՝ պարտք կը համարէ իր ջերմ և բախտիր: յայտնել ամեն կողմ ջրուած հայութեան, ուստիայ եղբայրներուն և մասնաւորապէս ցաւակից գիւղացութեան: Շընորհակալութեան խօսք կանէ նաև այն անձնուէր անհատներուն և ընկերութիւններուն, որոնք առաւել կամ նուազ շափով կը նըպաստեն փախստականներու օժանդակութեան գործին:

Ամենից վերջը համագումարը անցաւ խորհրդի ընտրութեան:

Ընտրուեց 25 հոգուց բաղկացած մի կենտրոնական խորհուրդ, որի 15 անդամները միանալով հաւասար թուով ուստիայ ներկայացուցիչներին՝ կազմում են մի կենտրոնական մարմին փախստականներու գործերը վարելու համար:

Ա. Շարաֆեան

Արտաքին տեսութիւն

ԹԻՒՐԿԻԱ, ԱՆԳԼԻԱ ԵՒ ՌՈՒՍԱՍՏԱՆ

Ներդաշխի հիւանդ մարդը այլևս զետեղուած է վերջին դիւարութեան գործողութեան սեղանին վրայ: Նրկու զարից ի վեր նախատեսուած եւ երազուած ցանկութիւնը այժմ մօտենում է իրականութեան: Ծարդ կատարուած անդամահատումը յանգել էր Սերբիայի, Գոնաստանի և Բուլղարիայի վերածնութեան: Ներկայ պատերազմը յանգելու է Հայաստանի վերածնութեան: Նրկակայութիւնից զուրկ աշխարհը անկարող է ականատես լինել աւելի մեծաշուք անակնկալներին:

Նկատի ունենալով կատարուած բոլոր իրողութիւններն ու ռազմական գործողութիւնների ընթացքը, թոււմ է թէ ներկայ պատերազմը է շարս այլ ազգութիւնների, վերապահուած է և յարուցանելու Արաբական ազգութիւնը: Թիւրք պետութիւնը 1914-ի յուլիսից ի վեր իր ինքնասպանական արարքներով ոչ նուազ նպաստել է իր սեփական անդամահատման: Նոյն տարուան սեպտեմբերին երիտ. թուրք կառավարութիւնը միակողմանիօրէն և առանց ստանալու դաշնակից պետութիւնների հաւանութիւն՝ ջնջում էր հոյակեց կապիտալիստները, որոնք Թիւրքիայում ունէին սովորական և պայմանադրական օրէնքի այժմ. Հայերի վերաբերմամբ նրանց ցոյց տուած եղեռնական զաւաճանութիւնը յաւերժապէս արտաքսում է թիւրքը Հայաստանից: Արաբիոյ քերիստոնէայ և որոշ չափով իսլամ բնակչութեան հանդէպ նրանց որդեգրած քաղաքականութիւնը կորցնել է տալիս այդ աշխարհամասի վրայ թիւրքական վեհապետութիւնը: Բունիսկ իրենք թիւրքեր իրենց կայսրութեան վերջնական քայքայման coup de grâce տուն՝ մի բանի ամիս չեղեալ հոյակեցով Բարիդի (1856) և Պերլինի (1878) միջազգային դաշնագիրը: Կենց այն վաւերագրերը, որոնք վերջին 60 տարուան մէջ գէթ իրաւապէս պայմանաւորում էին Թիւրքիոյ քաղաքական անկախութիւնը և հոյային ամբողջութիւնը, — մի ֆիկցիա որ գէթ Թիւրքիային իրաւունք էր տալիս մասնակցելու եւրոպական համերգին:

Այժմ ինչ է եղել գործնական հետեանքը Թիւրքիայի այդ ուժեղ քաղաքականութեան:

Պատերազմի ներկայ փուլին՝ դժուար է նախատեսել բոլոր հնարաւորութիւնները, բայց և այնպէս կան որոշ կատարուած եղելութիւններ:

Ա.— Անգլիոյ աշակցութեամբ Մէկկայի Շէրիֆը անցեալ յուլիսին հոյակեց Արաբիոյ անկախութիւնը թուրքական լուծից, և ինքնիրեն հոյակեց Հիւսէյն և Մէկկայի սուլթան, մի անկախ

վեհապետ, որի քաղաքական ն-ր status-ն արդէն պաշտօնապէս ճանաչել են Անգլիան, Ֆրանսիան և Իտալիան:

Բ.— Դաշնակից պետութիւնները անցեալ յունուարին նախագահ Ուիլսոնին տուած պատասխանով վճռապէս յայտարարում են թիւրքերի արտաքսումը Պոսից և հայերի ու սիրիացիների ազատութիւնը:

Գ.— Միջազգեպետի Անգլ. բանակը գնէ Սթանլէյ Մօդի ղեկավարութեամբ մի բանի օր առաջ գրաւեց Բաղդադը, Հազար եւ մէկ գիշերների պատմական մայրաքաղաքը: Այսօր բրիտանական կառավարութիւնը Բաղդադի ժողովուրդին եւ Արաբ աշխարհին ուղղուած մի կոչով հիմք է դնում Արաբական ազգութեան. դա միաժամանակ դնում է և հիմնաքարը Արեւելեան նոր քաղաքականութեան, զոր Մեծն Բրիտանիա յոյս ունի վերականգնել հին աւերակների վրայ: Յաճախակի վերադառնալով և զարհուրելի խայտառակութիւններով լիք այդ հարիւրամեայ քաղաքականութեան իկորունքն էր պահպանել Օսմ. կայսրութիւնը իբրեւ մի բարեկամական պատուար Անգլիական արեւելեան կայսրութեան:

— Եղա հիմնուած լինելով Ռուսաստանի հանդէպ անվստահութեան վրայ, Անգլո-Ռուսական բարեկամութեան թուականից ի վեր (1907) արդէն կորցրել է իր հին արժէքը: ասում է Manchester Guardian իր խմբագրականով: Եւսկ թիւրքերի Դերմանիոյ դաշնակցիլը այդ հին քաղաքականութեան տուեց մահացու հարուած. 1915 ի հայկական կոտորածները վերջնապէս ապացուցին թիւրքերի անբուժելի անյարմարութիւնը կառավարելու օտար ժողովուրդներ և հիմնապէս ջնջեցին թիւրքերի հետ ռեէ կոմպրոմիսի հնարաւորութիւնը, և մեր քաղաքական առաջին պարտաւորութիւններից մէկը դարձրին հիմքերից վերակազմել մեր Արեւելեան հին քաղաքականութիւնը:

Նրկաւ վարանումներից յետոյ, Անգլիացիք վերջապէս վճռեցին Միջազգեպետում ձեռնարկել մի ուժեղ յարձակողականի, զուցէ իբրեւ նախաբան իրենց ծրագրած Արեւելեան նոր քաղաքականութեան: Այժմ նրանք գրաւել են Բաղդադը, որ մի սերունդից ի վեր եղել էր երազը համազերմանութեան նուազագոյն ծրագրին — երկաթուղի Բիւլիինից մինչև Բաղդադ և դրա միջոցով Դերմանիոյ քաղաքական և տնտեսական գերակշռութեան ծաւալումը Թիւրքիայում և ամբողջ Արեւելքում: Անգլիական մամուլը իր սովորական վերապահութեամբ հոյակում է որ Մեծն Բրիտանիա Միջազգեպետ յաղթութեամբ հոյային ինքնասիրութեան նոր նուաճումներ չի օրոնում: Ինչպէս զօրազար Մօդ ասում է իր յայտարարութեամբ, նա հրաւիրում է Բաղդադի ժողովուրդը՝ ուղարկել ներկայացուցիչներ խորհրդակցելու Անգլ. քաղաքական պատգամաւորների հետ՝ գրաւուած նահանգի քաղաքացիական գործերի կառավարչութեան մասնակցելու: Նա հրաւիրում է Արաբներին միանալ հիւսիսի, հարաւի և արեւելքի իրենց եղբայրների հետ՝ իրազօրծելու իրենց ցեղի պատմական բաղձանքները: Նրանք հրաւիրում են Անգլիոյ օգնութեամբ վերականգնել իրենց հին փառքը, ցեղային միութիւնը և ազգային բարգաւաճումը, և բաժանուել թիւրքերից, որոնք հալածել են և կործանել նրանց քաղաքակրթութիւնը:

Առայժմ ոչ ոք չի խօսում կամ գրում Արաբ ազգութեան ազգագրական և աշխարհագրական սահմանների մասին, որովհետեւ արաբները տարածուած են Հնդկական ովկիանոսից մինչև

(1) Ծանօթ.— Վերոյիշեալ անպատիւ խոստովանութիւնը, որ բղխում է մի համակրող և լուրջ թերթի խմբագրականից, հոս վերջերս յաճախ կրկնուել է անզգամարտ: Անգլիա ականատես լինել է յետոյ մի ամբողջ ժողովուրդի նահատակութեան, այժմ միայն բարեհաճում է վերակազմել իր Արեւելեան քաղաքականութիւնը: Դեռ ասելիք կայ այդ մասին:

Ա. Ս.

Մարտը և հեղը. Ամբիկէ. որչափ ծանօթ է ինձ, բացի մի թերթից, ոչ ոք չի արտայայտել Արաբիոյ նոր իրաւակարգի՝ թիւրքիոյ ազգային միւս միաւորներին և նախնիների վրայ ունենալիք հակազդեցութեան և փոխ-յարաբերութիւնների մասին: Սակայն «The near Vast» շարաթաթերթը շնորհ Մերձաւոր Արեւելքը խմբագրականով ի միջի այլոց գրում է և հետեւեալը. —

Երբեք փոխադարձ շահերի հանդիպման կէտերի մասին Ռուսաստան և Անգլիա պէտք է մի ամբողջական համաձայնութեան գտնուին՝ խաղաղութեան մեծ վեհաժողովի գումարումից առաջ, և գուցէ ոչ ոք աւելի յարմար է վարելու այդ բանակցութիւնները քան Լորդ Միլնըրը, և մենք յոյս ունինք որ Բեզրովրատում նա միտիս ունի և խօսելու Մերձաւոր և Միջին Արեւելքում Անգլիո-Ռուսական շահերի վերակարգադրման հարցերի մասին . . .

Պոլսի ճակատագիրը վճռուած լինելով ի նպաստ իրեն, Ռուսաստանը չի կարող ընծայել՝ ունէ առարկութիւն Պարսկաստանում Անգլիո-Ռուսական շահերի շրջանակների մի արդարադատ սահմանազոմման վերաբերմամբ: Նա պիտի ճանաչի նաեւ որ Միջագետքի վերաբերմամբ անգլիական պահանջները անհրաժեշտապէս չեն որոշում Ռուսաստանի ապագայ յարաբերութիւնները հանդէպ Հայաստանին, որի ազգաբնակչութիւնը, թէն յենուած Ռուսական օգնութեան վրայ, ունի իր սեփական ազգային գոյութիւնն և որոշ էութիւնը եայլն: Թերթը պահանջում է համաձայնիլ Մօտաւոր Ասիայի հարցերի շուրջը և նրանց մասին Գերմանիոյ և Աւստրո-Հունգարիոյ անպայման ընդունելութիւնը պահանջել ապագայ վեհաժողովում:

Ինչ որ էլ լինի Հայաստանի կամ Արաբիայի ճակատագիրը, դրանք այլեւ չպիտի մնան թիւրքական լծի տակ:

ԱՐՇԱԿ ՍԱՅՐԱՍՏԵԱՆ

Լոնդոն

Գեղարուեստ

ՀԱՅՐԵՆԻ ԴՌԱՆ

Նոյն առուի ափին,
Հին ճամբու վրայ,
Նոյն դռան շէջին,
Որ դեռ կը միայն,
Կանգնած եմ ահա ...

Դիւիկոր, վնաս,
Որբի պէս լոխ,
Հայեացքով մ'անթարթ
Ճղաղուրկ ուռին,
Կը նայէ կրկին.

Նախկին աղմկոտ
Գատուհանիս մէջ,
Ուր առաջ ծիծղոտ
Դարունի պէս պերճ,
Կեանք մը կար անշէջ:

Ու շուրջս անձեւ
Հայրենի ճէւր, հող,
— Տուներն չէն, չբեղ,
Հարագառ, չոյող
Երկինք, Երկրի հով,—

Անշարժ, անհամբոյր ...
Որպէս գերեզման
Այժմ, մոռյլ, տխուր,
Փռուկ է անձայն
— Անգարդ Այգեւստան,—

Նախկին չէ ... չկան
Հովերը ծփուն,
Ուրախ երեկոտան,
Կարկաչող առուն
Ու ճամբէք ետուն:

Նոյն առուի ափին,
Հին ճամբու վրայ,
Նոյն դռան շէջին,
Որ ... դեռ կը միայն,
— Կանգնած եմ ահա ...

Վան, 1917

Ռոստամիկ Յուլիանիսեան

ԳԱԼԱՌ

ՊԵՏԷ Ե ՊԱՏԵՆՈՒԹԻՒՆԸ ՕԳՏԱԳՈՐԾԵԼ

Նոր Բայազէտ

Նորագոյն կարգերու հաստատումը ժողովրդական լայն խանդավառութեան հետ յառաջ բերաւ նաեւ մեծ հետաքրքրութիւն դէպի ինքնազործունէութիւնը:

Վաղուց էր ինչ մեծած էր ժողովրդի մեծ ոգին և ամեն մի ազգային-հասարակական հաստատութիւն քաշէքաշ յառաջ կը տանէր:

Դաւառը՝ կեդրոն հարստահարութեան և ճնշումի, ստրած-նիկի մտրակի տակ ընկճուած, զաւապի և պրիստաւի բիրտ բազուկէն ոտնաւարուած, ինչպէս նաեւ զրկուած աշխատանքի ձեռքերու սփոփիչ միջիթարանքէն՝ բնական էր որ ամենէն աւելի արձագանգ տալու և փարելու էր սրտովին նոր կարգերուն:

Դաւառի զարթոնքի ոգևորութեան մեծ և խանդավառ բուրդէն է այժմ, որ ոչ միայն պէտք է հետեի կառավարութեան կոչներուն և կարգադրութիւններուն, այլև մեծ եռանդով յառաջ պիտի նետուի դէպի իր ազգային գործունէութեան կազմակերպումը, որուն աւելի քան այսօր անհրաժեշտօրէն պէտք ունի:

Ո՞վ կարող է ուրանալ Կ. Հ. Բ. Ընկերութեան ցոյց առած ծառայութիւնը դէպի հայ ազգը իր ընդհանուր առումով:

Մինչև այսօր Նոր-Բայազէտ ամենէն անհետաքրքիր և ժըլտա վերաբերմունքն ցոյց տուած էր դէպի ազգային գործերն ու անցուցարձեք. այսօր սակայն մեծ ոգևորութեամբ ընդառաջեց այն ըմբռնութեան, որ բուրդէն և արամադրութիւնը ստեղծած էին:

Բար. Ընկեր. լիազօր պ Մ. Աստուածատուրեանի հրաւերով տեղական ճիւղի վարչութեան ընտրութիւնը կատարուեցաւ մեծ եռանդով և ոգևորութեամբ:

Նոր վարչութեան աշախուրջ աշխատանքի շնորհիւ անգամազրուողները հետզհետէ կաւելնան և յոյս կայ կանանց ևս մասնակից ընել բարեգործական ճիւղի գործունէութեան:

Բաղդատական եզր մը տալու համար անցեալ երեք տարի-

ներու մէջ Նոր-Քայազէտ ունեցած է հազիւ 4 անգամ, իսկ այժմ անդամներու թիւը մօտ է 40-ի, որոնք բոլորն ալ կանխիկ վճարած են իրենց անդամավճարները: Ժամանակ է օգտագործել ժողովրդի մէջ ստեղծուած գերհետաքրքրութիւնը: Բարեգործականի ճիւղերը պէտք է մեծ աշխատանք թափեն այդ ուղղութեամբ: ՆՇԱՆ ՅԱԿՈԲԵԱՆ

Տարեգիր Կ. Հ. Բ. Ընկ.

Մայիսի 24-ին կայացաւ Հ. Կ. Կոմիտէի ներթական նիստը: Նախագահութեամբ պ. Ս. Յարութիւնեանի, ուր եղան հետեւեալ զեկուցումներն ու որոշումները.

ա) Պ. Ս. Յարութիւնեանի զեկուցման համաձայն, որոշուեց Դիլիջանում հիմնել լոկալ բաժակ թէյի, որպիսի նպատակի համար որոշեցին յատկացնել 400 ա.:

բ) Տրապիզոնից հայր Մելիսանցը հեռագրել է, որ այնտեղի որբանոցի որբերի մի մասը տեղափոխել է Բաթում:

գ) պ. Նախագահի զեկուցման համաձայն, որոշուեց Խնուսի որբանոցը տեղափոխել Զալալ Օղլի, ուր արդէն վարձուած է մի յարմար բնակարան. այնտեղ պէտք է փոխադրել նաև Թիֆլիսի Մուրիսեան այգու որբանոցը:

դ) Յարսկիէ-Կուղզից յայտնուած են, որ տեղական հասարակութիւնը առհասարակ զէպի որբերը շատ սիրալիր վերաբերմունք է ցոյց տալիս, լինում են հրաւերներ. այսպէս պ. Վարդան Օթարեանից շնորհակալութեամբ ստացուել է 310 ա. յօգուտ որբերի, որ գոյացել է սիրողների ներկայացումից եայլմ:

Քրոնիկոն

Մայիսի 27-ին, Գայանեան դպրոցի դահլիճում կայացաւ Հայ Դրողների Ընկ. Ժողովը նախագահութեամբ Ստ. Լիսիցեանի: Ժողովը մի քանի ուղղութիւններով հաստատեց յատուկ յանձնաժողովի կողմից փոփոխութեան ենթարկուած կանոնադրութիւնը, որից յետոյ անցաւ վարչութեան ընտրութեան: Գահանի քուէարկութեամբ վարչ. անդամներ ընտրուեցին՝ Յովհ. Թումանեան, Ն. Աղբալեան, տիկ. Զ. Ստայան, Դ. Դեմիրեան, Նիկ. Սարգսեան, Ան. Արովեան (գանձապահ), Ստ. Կանայեան և Վ. Տէր-Դէորգեան: Կանոնադրութեան փոփոխութեամբ թէև զարմեալ անուանուելու է Հայ Դրողների Կովկասեան ընկ., բայց իր գործունէութիւնը ասարածելու է ամենուրեք:

— Մայիսի 28-ին Արտիստական ընկ. շէնքում տեղի ունեցաւ Հայ. Արուեստ. Միութ. տարեկան ընդհ. ժողովը՝ ընկերութեան գործունէութեան և հաշիւների մասին զեկուցում լսելու, կանոնադրութեան մի քանի կէտերը փոխելու և լրացուցիչ ընտրութիւններ կատարելու համար:

— Կազմուած է Կովկասեան ճակատի փախստականական գործերի խորհուրդ բաղկացած 23 հոգուց: Խորհուրդը իր միջից ընտրել է մի գործադիր մարմին բաղկացած 4 հոգուց՝ մի հայ, մի սուս, մի վրացի և մի թուրք, որոնք են՝ պ. Ս. Յարութիւնեանց, Խոսրով Բէգ-Սուլթանով, Միխայէլ Վախտ, Մաշաբլի, Իվան Ա. Իգնատև և չորս փոխանորդներ. — Ա. Սահակեանց, Ա. Պրալնով, Մ. Կախիանի և Մ. Նեպրիցկի:

— Անդրկովկասեան առանձին կոմիտէն որոշել է բոլոր քաղաքներում և գիւղաքաղաքներում մտցնել քաղաքային իրաւակարգ:

— Քաղաքային Դումայի ընտրութիւնների համար քաղաքացիների ցուցակագրութիւնը վերջացել է: Յայտնուել է, որ

ընտրութիւններին մասնակցելու իրաւունք ունեցող քաղաքացիների թիւը 135,000 է, իսկ զինուորականներինը 70,000:

— Իրկուտսկի հայկական կոմիտէն բաց է արել գրադարան-ընթերցարան և մի գրութեամբ խնդրում է ՀՀԱՄԲԱՐԵՐՆԵՐՆԵՐՈՎ ուղարկել: Թերթիս խմբագրութիւնը որոշել է մի օրինակ տրամագրել Իրկուտսկի գրադարան-ընթերցարանին:

— Ներքին գործերի մինիստրութեան կից յատուկ յանձնաժողովը որոշել է Թիֆլիսի պոլիտեխնիկումի շէնքը կառուցել տեղական միջոցներով, իսկ կանաւորման և կազմակերպման համար պետական միջոցներից միանուագ յատկացնել 1,175,700 ա.: Պոլիտեխնիկումի ուսումնական սկսուելու է առաջիկայ աշնանը մասնաւոր շէնքում. դասատուները լինելու են տեղական գիտնականները մի քանի պրոֆէսորների հետ. ընդունուելու են ուսանող-ուսանողուհիներ: Դասատուների մէջ լինելու են նաև կանայք:

— Դերբենդի հայկական ճիւղը բաց է արել գրադարան-ընթերցարան: Կ. Հ. Բ. Խորհուրդն այդ գրադարանին ուղարկել է նուէր 130 կտոր հայերէն գրքեր:

— Գանձակ է մեկնել Միք. Աթաբեկեանը, որ Անդրկովկասի առանձին կոմիտէի լիազօրութեամբ վարելու է նահանգի գործերը: Նրան յանձնարարուած է կազմակերպել տեղական իշխանութիւնները:

— Մայիս ամսուայ ընթացքում Կ. Հ. Բ. Ընկ. կենդրոնական գրադարանից տրուած է կարգալու համար 4985 գիրք, որից 3351 հայերէն և 1634 ռուսերէն:

— Թիֆլիսի քաղ. գործադիր կոմիտէն առաջարկել է միլիցիայի պետին՝ հեռացնել իր գիւնատան բոլոր հին ծառայողներին:

Համաեխարհային պատերազմը

Ռուսաց Արեւմտեան ճակատում՝ պատերազմական շրջանակից գործողութիւններ տեղի չեն ունեցել:

Փրանս-Անգլիական ճակատում ուժգին կռիւներ են տեղի ունենում: Նեաշապէի, Արմանտիէրի և Բալրի շրջաններում հակառակորդի յարձակումները ապարդիւն են անցել:

Բրիտանացիք շարունակ առաջանում են, նորանոր յաղթութիւններ ձեռք բերելով: Սուշիի շրջանում նրանք վերցրին 117 գերի և 3 գնդացի: Շարաթուայ ընթացքում անգլիացիները ձեռք են ձգել մօտ 5000 գերմանացի և ընդլայնել պատերազմական ճակատը:

Հեղինակաւոր ազգիւրներից յայտնուած է, որ արեւելեան ճակատի վրայ թշնամին ունի 14 հիվիդիա զօրք, 12,000 զենդադիրներով և մօտ 7300 թշնամիներով ապառազիւնուած:

Արեւմտեան ռազմաճակատում թշնամին ունի 115 հիվիդիա հետեակ զօրք:

ՆԱՄԱԿ ԽՄԲԱԳՐՈՒԹԵԱՆ

Խնդրում ենք ՀՀԱՄԲԱՐԵՐՆԵՐՈՎ յառաջիկայ համարում հրատարակել հետեւեալը.

«Կ. Հ. Բ. Ընկ. Սուշիի ճիւղի վարչութիւնը իր խորին շնորհակալութիւնն է յայտնում պ. Գաբրիէլ Երեմեանին, որ բարեհաճեց քաղաքի կենտրոնում մի յարմար շէնք յատկացնել Ընկերութեանս նորաբաց գրադարան-ընթերցարանի համար:

Ի գիմաց Կ. Հ. Բ. Ընկ. Սուշիի ճիւղի վարչութ. փ. Նախագահ՝ Արամ Յակոբեան

Խմբագիր՝ ՍԱՄՍԱՆ ՈՍԵՆՈՒԹԻՆԵԱՆ

Հրատ. Կ. Հ. Բ. ԸՆԿԵՐՈՒԹԻՒՆ

Тяп. «СЛОВО» Гимназическая ул. № 1